



Rapport dal president 2018

Stimadas commembras
Stimads commembers,

cun grond'euforia n'haja insembel cun tuot la suprastanza tut per mans il timun da nossa società da chatschaders Lischana. No vain fat diversas sezzüdas da suprastanza e listà sü üna pruna visiuns, idees e activitats per dar ün stempel a nossa società. Sperapro esa pero eir statt da na invlidar il lavur da minchadi cha uschè üna società maina cun sai. In quist occasiun lessa am s-chüsar scha ün o tschel'incumbensa es gnüda, **na** invlidada, ma accumulida cun retard. Id es statt eir ün emens lavur da sortir tuot las infuormaziuns cha vain survgni da la suprastanza scadenta. Grazcha fich eir a quella per lur sustegn.

Ter svelt vaina constatà cha la chargia per manar nossa società es ter gronda e pesanta e cha nossas visiuns ed idees ston il prüm restar be sün palperi. I voul ün grond optimissem e sotisfacziun per eser bun da trar quist char.

Dürant l'on n'haja lura, sco president, stuvü tour per mans il duden rumantsch, dar ün tschüt il dicziunari e per la fin n'haja dafatta dovrà l'agüd da Google e Wikipedia. I'm ha nempe dat dabuonder che cha il nom società voul insoma dir. Società, in tudais-ch „Vereinigung“ voul dir tenor mias retscherchas:

„üna plü gronda gruppa da persunas cun istess interess e chi tegnia insembel „

in tudais-ch:

1. sich zu gemeinsamem Tun o. Ä. zusammenfinden, zusammenschließen
"sich zu gemeinsamem Vorgehen vereinen"

2. Organisation, in der sich Personen mit bestimmten gemeinsamen Interessen, Zielen zu gemeinsamem Tun zusammengeschlossen haben

Cur ch'eu n'ha let quista definiziun am n'haja fat impissamaints scha no chatschaders, na be la Lischana, ans pudain insomma nomnar società?

Scha guardain l'agir da divers commembers chatschaders,

nu sun persvas cha no eschan üna società,

schi's da ün sguard sün las listas da preschentscha pro'ls lavurs da custodi,

nu sun persvas cha no eschan üna società

scha pigliain suot la marella il sustegn pro las activitats da la società,

nu sun persvas cha no eschan üna società.



E lura pero, cur chi da cumpliments, cur cha vezzain la cuntantezza dals partecipants davo prastà lavur da custodi o schi's doda il plets positivs davo il tir intern, da quist darcheu gronda spranza cha eschan sün üna buna via per dvantar proppi üna società, sco chi sta in noss logo.

Grond curaschi e satisfacziun da eir il guadogn dal premi da custodi Svizzer da l'associaziun JagdSchwierz, sün quist revegn amo il tractandum custodi.

Stimadas commembras e commebers, s-chüsai scha meis rapport nun es sco üsità be ün sguard ianvò sül on scuorss, dimperse eir ün contemplar critic invers noss pensar. E listess lessa ingrazchar a tuots chi han sustgnü las lavurs da la suprastanza da la Lischana cun lur preschentscha e lavur a favur da nossa società. Impustüt uossa am para fich important cha minchün da no as fa impissamaints in che direcziun cha lain ir cun nossa chatscha libra Grischuna. Is po criticar als uffizis o eir a la società chantunala, pero co laina far gnir melder il sistem da chatscha scha no nun eschan gnianca buns da trat tuots vi da la istessa sua cur chi vain mis in dumonda la chatscha.

Vaina insoma da müdar bler o cumplett vi da'l sistem?

Es la chatscha da chamuotschs cumplettamaing fosa?

Desdrüaina la sulvaschina cul systems da duos fasas?

Es la letscha e las prescripziuns da chatscha proppi stipulads uschè mal?

Es la chatscha speziala be ün instumaint per far raps pel chantun ed ethicamaing na acceptabla?

Sün tuot quistas dumondas possa cun buna conzchenza e persvasiun be dir NA.

Cler, i da dapertuot ed adüna pussibilitats per meldramaints. Sgüra eir pro la chatscha, pero precis quist vain improvà adüna darcheu cun adattamaints in las prescripziuns da chatscha. P.ex. cun rivir asils, cun far cunfins loms, cun adattar il temp da schluppetar chavras da chamuotsch ed oter plü. Dafatta pro la chatscha speziala daja adatamaints per provar da melder il resultats e da scurznir il temp da disturbi.

No in suprastanza eschan da l'avis chid es important, uossa avant las votumaziuns cunter la chatscha speziala e cunter la chatscha insomma, d'avair üna società unida, üna società chi'd es degnia da portar il nom SOCIETÀ.

No eschan eir persvas cha las commembras ed ils commebers da la Lischan stan davo il pensar da nossa società e sustegnan quista in lur agir.

No ingrazchain a tuots, ma in prüma lingia a quels chi han d'ürant l'on scuorss tut part ad üna o tschella actività, pero eir a tuots commembers chi sun pronts da sustgnair **in avegnir** nosa società cun lur preschentscha e agüd. Per quai viana eir creà cun agüd dals commembers cun affars da sport, CarloZ Fischjäger / Sport Heinrich / JonSport e cun agüd da Christina Willy, üna giacca da società cun logo da la Lischana. Cun quista giacca pudaina eir vers in oura muossar nossa colliaziun e persvasiun per la Lischana. Il böt es cha minchün da no as identifichescha cun quista giacca per la Lischana e la chatscha.

Im resta be amo, in nom da tuot la suprastanza, d'ingrazchar per vossa fiduzchia e pazienza.

No giavüschain a tuots ün bun on nouv, ün schlat in bocca d'luf ed üna bell temp da cumpagnia pro las activitats da la Lischana il 2019.